



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

Breuis admonitio spiritualis exercitij. Cap. I.

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

in bono; quia non ab homine, sed à Deo præmium accipies. Disce præsentem, quem habes, sufferre patienter, ut mitius feras sequentem. Si huic non haberes, forsitan duriores sustineres. Oportet te vnum habere, nec pro tuo libitu inuenies aliquem, etiam si plures fueris perferutatus. Bonus discipulus tam malum magistrum non habuit, quin ei in bonum cesserit, quòd humiliter obtemperauit.

3. Exemplis igitur Christi & sanctorum eius, studeas simpliciter & purè obedire propter Christum, propter conscientiam & bonam famam, propter pacem cordis & æternæ vitæ gloriam promerendam. Nemo tam quietè viuit, nemo tam securè moritur, sicut verus obediens, & in omnibus Deo & hominibus subiectus. Hoc tribuat munus, qui regnat trinus & vnus. Amen.

A L I A  
SPIRITUALIA EXERCITIA  
VIRI RELIGIOSI.  
CAPITA HVIVS LIBELLI.

<b>B</b> reuis admonitio spiritualis exercitij.	Cap. I.
De oratione.	II.
De dilectione.	III.
De operatione.	IV.
De choro.	V.
De vigilijs matutinis.	VI.
De meditatione post matutinas.	VII.
De custodia celle.	VIII.
De exitu ad laborem.	IX.
De obedientia, & humili responsione.	X.
Ad quid omnia exercitia sint dirigenda.	XI.
De refugio ad Deum semper habendo.	XII.
De meditatione passionis Christi.	XIII.
De viri confidentia in Christo.	XIV.
De commendatione celle.	XV.
De contemptu consolationum terrenarum.	XVI.

C A P V T I.

*Breuis admonitio spiritualis exercitij.*

1. **A**B exterioribus peruenitur ad interiora, ab inferioribus ad superiora, à corporalibus ad spiritualia. Paulatim proficit homo

homo, & hoc per quotidiana exercitia. Et licet primò multa sint graua, tamen in consuetudinem ducta fiunt leuia & sapida.

2. Tria sunt omni religioso necessaria, sine quibus non potest diu stare in bona vita: hæc sunt, oratio, lectio, & operatio. In istis omni die se exercere debet, & semper in aliquo horum occupari.

CAPVT II.

De oratione.

1. **O**ratio illuminat, oratio purgat, oratio consolatur, oratio lætificat, oratio impetrat fauorẽ; oratio allenuat laborem, oratio auarit deuotionem, oratio præbet fiduciam, oratio expellit pigritiam: oratio fugat dæmonem, oratio vincit tentationem.

Orationis vires.

2. Non te pigeat orare, si vis à vitijs liberari. Oratio semper est necessaria sicut & gratia, sine qua viuere spiritualiter non possumus. Orare debemus pro gratia, quia gratia est, qua tantum indigemus. Melius est orare quam legere, & in tempore suo vtrumque est agendum.

Oratio perinde atque gratia necessaria.

CAPVT III.

De lectione.

1. **L**ectio debet esse quasi oratio: & antequam legas, præcedat oratio. Lectio sacra ignorantiam nostram erudit, dubia soluit, errores corrigit, bonos mores instruit, facit cognoscere vitia, hortatur ad virtutes, excitat ad feruorem, incutit timorem; recolligit mentem, recreat fastidiosum animum. Et quia non potes continuò orare vel legere, debes aliquid vtile exterius operari. In qua operatione oratio præeat, oratio intercurret, oratio totum finiat.

Oratio vbiq; semper præcedat, intercurret, sequatur. Lectio quantum commodat.

CAPVT IV.

De operatione.

1. **O**perari manibus bonum est corpori, deseruit spiritui, adificatio est proximi, & reparatio est sensus nostri. Etsi interdum pigri sumus, tamen perseverando vincimus. O quàm deu fuerunt Sancti, qui sine intermissione orabant. Quam studiosi, qui nunquam sacra lectione satiari potuerunt. Quam feruentes, qui frangi laboribus non valuerunt!

Operari manibus quam bonum.

2. Qui propter Deum sibi aliquam violentiam facit, Deus ipsi maiorem gratiam dabit, & citò in virum perfectum mutabitur. Consuetudo mala, per bonam consuetudinem vincitur. Et bona consuetudo tandem in naturam vertitur, quod primò fuit difficile, postea leue videatur ac facile.